



Broj: 13-04/2-04-12811/22
Sarajevo, 08.04.2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br.: 12/03, 34/03 i 65/13), čl. 25. i 34. Zakona o ustanovama ("Službeni list RBiH", br: 6/92, 8/93 i 13/94), člana 115. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16, 44/17, 28/18 i 52/21) i Odluke o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13, 51/15 i 11/17), ministrica za rad, socijalnu politiku, raseljena lica i izbjeglice Kantona Sarajevo raspisuje

O G L A S

za imenovanje kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo

Oglašavaju se pozicije:

- **U JAVNOJ USTANOVI "KANTONALNI CENTAR ZA SOCIJALNI RAD"**
- član Nadzornog odbora iz reda stručnih radnika zaposlenih u Ustanovi.....1
- **U KANTONALNOJ JAVNOJ USTANOVI "DOM ZA SOCIJALNO ZDRAVSTVENO ZBRINJAVANJE OSOBA SA INVALIDTETOM I DRUGIH OSOBA"**
- član Upravnog odbora.....1

Opis pozicije:

Upravni odbor obavlja poslove od značaja za oblast kojom se bavi javna ustanova, a koji se sastoje u: donošenju Pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju opšteg akta o unutrašnjoj organizaciji i sistematizaciji poslova i drugih opštih akata u skladu sa zakonom i statutom, odlučivanju o svim pitanjima obavljanja djelatnosti radi koje je ustanova osnovana ako zakonom nije određeno da o određenim pitanjima odlučuje drugi organ ustanove, usmjeravanju, kontrolisanju i ocjenjivanju rada direktora, rješavanju svih pitanja sa osnivačem, odlučivanju o korištenju sredstava preko iznosa utvrđenog statutom ustanove, odgovornosti osnivaču za rezultate rada ustanove, podnošenju osnivaču najmanje jednom godišnje izvještaja o poslovanju ustanove i drugim poslovima u skladu sa zakonom i statutom ustanove.

Nadzorni odbor analizira izvještaje o poslovanju ustanove u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.



Predsjednik i članovi upravnog odbora i predsjednik i članovi nadzornog odbora imenuju se na period od 4 (četiri) godine i mogu biti ponovo imenovani.

Predsjedniku i članu upravnog odbora i predsjedniku i članu nadzornog odbora pripada mjesečna naknada do iznosa propisanog Uredbom o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo ("Službene novine Kantona Sarajevo, br.: 41/16, 46/16 i 50/17).

Kandidat za imenovanje mora ispunjavati slijedeće **opšte uslove**:

- a) da je stariji od 18 godina
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu najmanje od 3 (tri) godine prije dana objavljivanja upražnjene pozicije
- c) da se na njega ne odnosi član IX.1. Ustava Bosne i Hercegovine

Pored navedenih opštih uslova, kandidat koji se prijavljuje na Oglas mora ispunjavati i slijedeće **posebne uslove**:

- a) da je državljanin Bosne i Hercegovine,
- b) da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove,
- c) da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove,
- d) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem Bakalaureat/Bachelor (180 ECTS bodova),
- e) da ima najmanje dvije godine radnog iskustva u struci,
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
- g) da nije član više od jednog upravnog odbora ili nadzornog odbora,
- h) da nema privatni finansijski interes u javnoj ustanovi u čiji se upravni i nadzorni odbor imenuje.

Kandidat je dužan uz prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju opštih i posebnih uslova traženih Oglasom, i to:

- Izvod iz matične knjige rođenih,
- Izjava da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu najmanje od 3 (tri) godine prije dana objavljivanja upražnjene pozicije, potpisana i ovjerena od strane nadležnog organa, ne starija od šest mjeseci,
- Izjava da se na njega ne odnosi član IX.1. Ustava Bosne i Hercegovine, potpisana i ovjerena od strane nadležnog organa, ne starija od šest mjeseci,
- Uvjerenje o državljanstvu, ne starije od šest mjeseci,
- Diploma o visokom obrazovanju,
- Uvjerenje/Potvrda o radnom iskustvu u struci,
- Izjava da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) potpisana i ovjerena od strane nadležnog organa, ne starija od šest mjeseci,
- Izjava da nije član više od jednog upravnog odbora ili nadzornog odbora, potpisana i ovjerena od strane nadležnog organa, ne starija od šest mjeseci,
- Izjava da nema privatni finansijski interes u javnoj ustanovi u čiji se upravni i nadzorni odbor imenuje, potpisana i ovjerena od strane nadležnog organa, ne starija od šest mjeseci.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/3

Kandidat **nije dužan** dostaviti uz prijavu uvjerenje da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove i uvjerenje da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove. Ova uvjerenja pribavlja Ministarstvo za rad, socijalnu politiku, raseljena lica i izbjeglice po službenoj dužnosti u skladu sa Odlukom o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13, 51/15 i 11/17).

Za predsjednika i člana upravnog odbora i predsjednika i člana nadzornog odbora javne ustanove ne može biti imenovan državni službenik koji je zaposlen u organu državne službe nadležnom za vršenje bilo koje vrste nadzora nad javnom ustanovom.

Rok za dostavu prijave je 15 (petnaest) dana od dana posljednjeg objavljivanja.

Nepotpune i neblagovremene prijave neće se uzeti u razmatranje.

Oglas će biti objavljen u "Službenim novinama Federacije Bosne i Hercegovine", u dnevnom listu "Oslobođenje" i na WEB stranici Ministarstva za rad, socijalnu politiku, raseljena lica i izbjeglice Kantona Sarajevo.

Svi kandidati koji budu stavljeni na Listu sa užim izborom najboljih kandidata koji ispunjavaju kriterije za imenovanje biće pozvani na intervju pred Komisijom za izbor koju imenuje Vlada Kantona Sarajevo. Prije intervjua kandidati su dužni dati podatke o ranijim neposrednim rukovodiocima, od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se popuniti neposredno prije intervjua.

Kandidat neće biti stavljen na listu užeg izbora ukoliko nije povoljno ocijenjen prema kriterijima za imenovanje.

Prijave kandidata s kojima nije ostvaren kontakt nakon roka za podnošenje prijave neće biti uzete u razmatranje u procesu imenovanja kandidata na oglašene pozicije predsjednika i članova upravnog odbora i predsjednika i članova nadzornog odbora javnih ustanova.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka Bosne i Hercegovine ("Službeni glasnik Bosne i Hercegovine", br.: 49/06, 76/11 i 89/11).

Kandidati koje nakon intervjua preporučí Komisija za izbor, smatrat će se da su najuspješnije prošli otvorenu konkurenciju.

Bilo koji kandidat, ili bilo koji član javnosti može podnijeti prigovor na konačno imenovanje u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine.

Prijave sa svim traženim dokumentima se dostavljaju lično ili poštom preporučeno na adresu:


Ministarstvo za rad, socijalnu politiku, raseljena lica i izbjeglice Kantona Sarajevo

Komisija za izbor,

Sarajevo, ul. R. Dž. Čauševića broj 1.

Pisarnica, uz naznaku na koverti:

Prijava na Oglas za imenovanje kandidata na poziciju predsjednika i člana upravnog odbora i predsjednika i člana nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo



Adresa: Reisa Džemaludina Čauševića, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

3/3